

豫章郡鐵柱二旌陽令南昌許遜敬之鑄以鎮蛟者也郡地濱于江水蟲騁妖故民多江禍旌陽與西安吳猛世雲用正一斬邪三五飛步之術追殲其神於長沙復懼遺孽游興使物冶鐵壓其窟宅一在西山雙領之南堙沒已久一在牙城南井迄今猶存柱出井外勵尺下施八索謂能鈎鎖地脈云唐咸通六年節度使嚴譔來爲郡將發視之未及咫尺風雷雨江水暴溢譔恐而止其見於道家書者如此濂竊聞之周有壺涿氏掌取水蟲若欲殺其神則以牡犛牛貫象齒而沉之則其神死淵爲陵神謂龍岡象之屬是也古蓋有其術矣矧單陽則飛制以重陰乃伏而不動鐵陰而蛟陽者也斯柱之建其亦沉犛象之遺意與於戲豫章之民與蛟不兩立微旌陽西安民其魚矣濂雖不